

(...)

Testament de jean ramond labo[ureur]
de ma(gnan)ac

.....
iiii.° vii.

Comme ainsin soict qu()il n()y ayt homme quy ne soit mortel ny quy puisse esviter le jugement de dieu eternel pard(evant) lequel ung ch(ac)un est tenu de randre compte et entiere satisfaction de ses faultes et offences et d aultant qu()il n()y a rien plus certain que la mort ny rien plus incertain que l heure d icelle pour ce est il que ce jourd'huy **vingt quatrie(me)** du mois de **novembre mil cinq cens quatre vingt dix neuf** avant midy a villemur dioceze de montauban et seneschaucee de th(ou)l(ous)e regnant no(tr)e souverain prince henry par la grace de dieu roy de france et de navarre pardevant moy not(air)e royal et presans les resmoingz bas nommez **dans la ma(is)on de m(aîtr)e pie(rre) brucelles docte(ur) ez droictz** etably en sa personne **jean ramond travailleur habitant a la paroisse de ma(gnana)ac** lequel sans estre dettenu d aulcune maladie corporelle bien voyant parlant et en ses bons sens et parfaicte cognoissance a faict conduit et ordonne son dernier testament nuncupatif et derniere volonte en la forme et maniere que s ensuict en premier lieu a recommandé son ame a dieu le create(ur) le priant qu'aprez avoir faict la separa(ti)on de son corps la vouloir recevoir ne son royaume celeste et a voulu que sond(it) corps soit ensepvely en l()eglize dud(it) ma(gnan)ac et que ses honneurs funebres luy soient faictez par son heretiere bas nommee a laquelle sepulture veult que soient convoquez trois p(rest)bres a ch(ac)un desquelz soict paye cinq solz aultant a()la novene et bout d an lesquelz seront tenus de selebrer les messeuz comme est accoustume f(ai)re

.....
item led(it) testateur a dict avoir receuz beaucoup de bons services de **ramonde gayrale sa fem(me)** en recompance desquelz luy a donne et legue donne et legue la quantite de huit emynes mixture mesure dud(it) villemur payables par sad(ite) heretiere bas nommee scavoir quatre emines incontinant aprez son decez et les au(tr)es quatre emines au bout d()ung an aprez suivant ensemble luy donne et legue une couette remplie de plume de celle qu()il a dans son habita(ti)on lesquelz susd(its) grains veult led(it) testate(ur) luy estre payez et ce sur la quantité de dix huit emines bled missole et troys emynes segle qu()il porta sur les biens de feue **marquette mottez sa premiere femme** lors du contract de leur mariage et par lad(ite) mottes recogneus ainsin qu'appert

par led(it) **co(n)tract retenu par feu** m(aîtr)e **guill(aume) andrieu** quant vivoit not(air)e royal dud(it) villemur en datte du **dix huictie(me)** jo(ur) du mois de **may mil cinq cens soixante deux** si a dict et declare led(it) testateur que lad(ite) gayrale sad(ite) femme luy a porté dans sa ma(is)on ung petit toneau coulant une pippe]trøys[quatre fustz de barricque une demy barricque, une pouelé, ung cramalhé et cramaliere une pinte d'estaing, ung foussou, une petite cognée, ung petit chauderon de cuyvre, deux portes garnies de relhez, cinq linsseulz unes nappes, deux serviettes, une salclete, une vinagriere, ung chalict, tous lesquelz susd(its) meubles led(it) testate(ur) veult et ordonne que soient renduz a sad(ite) fem(me) incontinent apres sond(it) decez en oultre led(it) testateur a dict et déclaré que lad(ite) gayrale a presté certaine quantité de grains et argent a certains

.....
iiii.^c viij.

partuclliers lesquelz grains sont provenus de son argent qu()elle avoit lors qu()il l()espouzé et ne veult led(it) testateur que po(ur) ra(is)on desd(its) debtes elle en puisse estre aulcunement rec(h)erchee ains qu()elle en dispoze a ses volonte(z) comme luy appartenantz et en tout et ch(ac)uns ses autres biens m(e)ubles et immeubles droictz et actions presans et advenir led(it) testate(ur) a fait et institué son heretiere universelle et generale et l a nommee de sa propre bouche scavoir **est bertrande ramonde sa filhe** legitime et naturelle]pær[**du premier mariage** par laquelle veult que les susd(its) legatz soient payez et ce dessus led(it) testate(ur) a dict estre son dernier testament et derniere volonte le quel veult que vaille et soict valable par droict de testament nuncupatif et derniere volonte et par tout autre droict stil et coustume que pourra valoir cassant revocquant et annullant tout au(tr)es testamens codicilles et au(tr)es disp(ositions) precedantes le presant dem(e)urant en son efficace et vertu si a priez les tesmoingz bas nommes q(u'i)l a recogneus de ce dessus estre memoratifz et a moy not(air)e luy en retenir instrument ce qu'ay fait ez presances de m(aîtr)e pie(rre) brucelles docte(ur) daniel la vernhe capp(itai)ne simon garrel **andre daxea cardeur** pie(rre) du ser guill(aume) timbal pie(rre) vigné charpantier de villemur soubz(sig)nes ceulx quy scavent le testate(ur) ne scait escrire et je jacques esteverin not(air)e royal dud(it) villemur requis soubz(sig)ne

Brucelles, p(rese)nt Lavergne Garrel

P.Vilher, p(rese)nt Timbal

Esteverin, not(aire)